

## Никоҳи ҳаром қилингандар аёллар (давоми)



19:01 / 05.11.2018 4400

Аллоҳ таоло «Нисо» сурасида шундай деб марҳамат қилади:

مَا إِلَّا النِّسَاءُ مِنْ أَبَاؤُكُمْ نَكَحَ مَا شَاءُوكُمْ وَلَا

سَبِيلًا وَسَاءَ وَمَقْتَافِحَشَةً كَانَ إِنَّهُ سَلَفَ قَدْ



«Оталарингиз никоҳлаб олган аёлларни никоҳлаб олманг! Аввал ўтгани мустасно. Албатта у фаҳш иш, жирканч ва жуда ҳам ёмон йўлдир!» (22-оят).

Жоҳилият даврида ўгай онага уйланиш одати бор эди. Бу кўпинча «азл»га – аёлларни зулм ила беҳуда тутиб туришга ҳам сабаб бўлар эди. Чунки аксар пайтда боланинг катта бўлиб вояга етишини, сўнгра отасининг хотинига – ўгай онасига уйланишини кутишга тўғри келар эди. Агар ўғил отаси ўлган пайтда вояга етган бўлса, ўгай онаси унга мерос тариқасида хотин бўлиб қолар эди. Аллоҳ таоло ушбу ояти каримани нозил қилиб, бу қабих ишни ҳаром этди.

### **«Оталарингиз никоҳлаб олган аёлларни никоҳлаб олманг! Аввал ўтгани мустасно».**

Яъни, ушбу ояти карима нозил бўлгандан кейин отанинг никоҳида бўлган аёлга ўғил никоҳланиши тамоман ҳаром этилди. Бу иш ояти карима нозил бўлишидан олдин, жоҳилият одати бўйича содир этилган бўлса, кечирилади. Аллоҳ таоло мусулмонларга ўз оталари уйланган аёлга уйланишни шу йўл ила ҳаром этди. Ҳаром этганда ҳам, отанинг никоҳида бўлган аёлларга ўғилнинг уйланиши мумкин эмаслигини эълон қилиб қўйиш билан кифояланмай, бу ишнинг ғазабнок эканини ҳам айтди, Аллоҳ та-олонинг ғазабини келтирадиган иш нақадар ёмон йўл, деб таърифлади:

### **«Албатта у фаҳш иш, жирканч ва жуда ҳам ёмон йўлдир!»**

Ҳақиқатдан ҳам, бу иш инсонгарчиликка тўғри келмайди. Чунки ота билан муқаддас алоқада бўлган аёл ўғилга она ҳисобланади. Отанинг ҳурмати бор, ахир! Иккинчидан, одатда эр ўз хотинининг биринчи эрини ёмон кўради. Агар ўғил отасининг хотинига уйланса, марҳум отасига муносабати қандай бўлади? Оятнинг бу ишни ғоят катта разолат сифатида таърифлашининг боиси ҳам шу.

????? ?????????? ?????? ?????? ?????????? ????  
?????????? ??? ?????? ?????? ??????????: ?????????? ????  
????????????? ??? ?????? ?????? ??????????????  
????????? ??????????????.

Оиша розияллоҳу анҳодан ривоят қилинади:

«Набий соллаллоҳу алайҳи васаллам:

**«Тұғилем тұфайли ҳаром бүлгән нарса әмизиш тұфайли ҳам ҳаром бүлади», дедилар».**

Бешовлари ривоят қылғанлар.

Тұғишигандык, яғни насад алоқаси бүйіча қайси тоифа аёлларнинг никоҳи ҳаром бүлса, әмизиш орқали ҳам шундай бүлади. Яғни бирорнинг боласини бегона аёл әмизиши тұфайли содир бүладиган әмикдошлик яқынлиги үша тоифа аёлларнинг никоҳини ҳаром қиласы.

Мисол учун, туқсан онасининг никоҳи ҳаром бүлганидек, әмизган онасининг никоҳи ҳам ҳаром бүлади. Тұғишигандык синглиснинг никоҳи ҳаром бүлганидек, әмикдош синглиснинг никоҳи ҳам ҳаром бүлади ва ҳоказо.

Никоҳи ҳаром қилинған аёллар ҳақидаги далилларни ўрганиб чиққан уламоларимиз уларни бир неча гурұхларга тақсим қылғанлар:

**1.** Никоҳи абадий ҳаром қилинған аёллар.

**2.** Никоҳи вақтинча ҳаром қилинған аёллар.

Никоҳи абадий ҳаром қилинған аёллар уч хил бүлади:

а) насад йўли билан никоҳи абадий ҳаром қилинған аёллар;

б) әмизиш йўли билан никоҳи абадий ҳаром қилинған аёллар;

в) қудачилик асосида никоҳи абадий ҳаром бўлган аёллар.

Насаб йўли билан никоҳи абадий ҳаром қилинган аёллар қуидагилар:

1. Она. Бунга момолар ҳам киради.

2. Қиз.

3. Опа-сингиллар.

4. Аммалар.

5. Холалар.

6. Ака-укалар, опа-сингилларнинг қизлари.

Эмизиш йўли билан никоҳи абадий ҳаром қилинган аёллар қуидагилар:

**1. Эмизган она.** Бунга момолар ҳам киради.

**2. Эмикдош қиз.**

**3. Эмикдош опа-сингиллар.**

Бу хилдаги опа-сингилларда эмиш йўли билан турли ҳолатлар юзага келиши мумкин:

а) бир боланинг онасини бегона қиз эмса, улар орасида эмикдошлик – ака-сингиллик ёки опа-укалик пайдо бўлади;

б) бир бола бегона аёлни эмса, аёлнинг туққан қизлари боланинг опа-сингилларига айланади;

в) бир-бирига мутлақо бегона бир бола ва бир қиз ўз оналаридан бошқа бир аёлни эмсалар ҳам, эмикдош ака-сингил ёки опа-ука бўладилар.

**4. Эмикдош аммалар.**

Бир ўғил бола бегона аёлни эмса, ўша аёлнинг эрининг опа-сингиллари унга эмикдош аммаларга айланадилар ва боланинг уларга уйланиши ҳаром бўлади.

**5. Эмикдош холалар.**

Бир ўғил бола бегона аёлни эмса, ўша аёлнинг опа-сингиллари мазкур болага эмикдош холаларга айланадилар ва унинг уларга уйланиши ҳаром

бўлади.

## **6. Эмикдош ака-укаларнинг қизлари.**

Бола ўз онасини эмган бегона болалар билан, ўзини эмизган бегона аёлнинг болалари билан ва ўзи билан бирга бошқа бегона аёлни эмишган болалар билан эмикдош ака-укага айланадилар. Ана ўша эмикдош ака-укаларга бир-бирларининг қизларига уйланиш ҳаром бўлади.

## **7. Эмикдош опа-сингилларнинг қизлари.**

Эмикдош опа-сингиллар ким эканини аввалда айтиб ўтдик. Уларнинг қизларига уйланиш ҳам ҳаромдир.

## **8. Эмикдош қайноналар.**

Бунда хотинининг эмизган онаси ва момоси қўзда тутилган. Яъни аёл эркак билан ақди никоҳ қилгач, худди насаб жиҳатидан унга она ва момо бўлган аёллар унинг эрига ҳаром бўлганидек, аёлнинг эмикдошлиқ она ва момоларининг никоҳи ҳам эрга ҳаром бўлади.

## **9. Эмикдошлиқ бўйича ўгай она ва момолари.**

Бошқача қилиб айтганда, эр кишига уни эмизган аёлнинг эрининг бошқа хотинлари ва уларнинг оналари ҳам ҳаром бўлади.

## **10. Эмикдош фарзандларнинг хотинлари.**

Аёл бир болани эмизган бўлса, ўша аёлнинг эрига боланинг хотини ҳаром бўлади. Чунки бу ҳолда эмикдошлиқ ўғилнинг хотини, у эркакка эмикдош келин бўлади. Насабий келинга уйланиш абадий ҳаром бўлганидек, эмикдош келинга уйланиш ҳам абадий ҳаромдир.

## **11. Хотинининг эмизган қизи.**

Бир киши хотин олди. У аёл бошқа эрнинг никоҳидалигида бир қизни эмизган эди. Ўша қиз янги эрга эмикдошлиқ бўйича ўгай қиз бўлади. Агар эркак ўша аёл билан эр-хотин бўлиб, қовушиб яшаган бўлса, қиз унга абадий ҳаром бўлади. Агар аёлга никоҳ ақди қилиб, бирга яшамай, ажрашса, унинг эмизган қизига уйланса бўлади. Зотан, насаб масаласи ҳам шунга ўхшаш.

Эмикдош қариндошлар билан никоҳда бўлишнинг ҳаром қилинишининг тўла ҳикмати, бошқа ҳукмларнинг тўла ҳикмати каби, фақат Аллоҳ

таолонинг йўзига маълум.

Аммо бу ҳукмнинг ҳозирча бизга маълум бўлган ҳикматлари ҳам бор. Гўдак фарзанднинг суюги ва эти она сути билан шаклланади. Бу, инсоннинг бутун вужудида унинг эмган сутининг доимий таъсири бўлади, деганидир. Чунки суюк ва эт инсонда умр бўйи қоладиган ва ҳар лаҳзада вужудга ўз таъсирини ўтказиб турадиган нарсалардир.

Ана шундай таъсирга эга бўлган бир хил сутдан эмиб, катта бўлган кишиларнинг никоҳ алоқасида бўлишлари ўта заарли бўлади. Уларнинг соғлиқларига ҳам, улардан пайдо бўладиган зурриётга ҳам катта мусибат этиши мумкин. Бунинг устига, аёл киши гўдакни эмизганида унга фақат сутинигина ўтказмайди, балки меҳр-муҳаббатини, ўзидағи ҳистойғуларини, руҳий-маънавий ҳолатларини ҳам ўтказади. Ана ўшандай нарсаларда шерик бўлган кишиларнинг никоҳ алоқасида бўлишлари яхши эмас.

Илоҳий таълимотлардан юз ўғирганлар ҳам бу ҳақиқатни энди-энди тушуниб келмоқдалар. Улар она сутидаги хислатларни тан олмоқдалар ва бир кун келиб Исломнинг бу ҳукмини ҳам тан олишлари турган гап.

**“Бахтиёр оила” китобидан**